



Inatsisartunut ilaasortaq Aleqa Hammond, Siumut
Inatsisartut
/MAANI

**Qerititsiveqarnikkut pisinnaasat pillugit Naalakkersuisunut § 37-mut nr. 2012-089
akissut**

Inatsisartut Suleriaasianni § 37, imm. 1 naapertorlugu Uummannap pigisaani qerititsiveqarnikkut pisinnaasat pillugit apeqquteqarputit. Apeqqutigineqartooq uanga akissagiga innersuunneqarpunga.

Apeqqutit:

- 1: Naalakkersuisut qanoq pilersaaruteqarpat qulakkeerniarlugu Uummannami qaleralinnianut qerititsiviit ulikkaartileneri sunniuteqarnerluttoqarnissaa pinngitsoortinniarlugu.
- 2: Qerititsiviit ulikkaarnerisa kingunerisaanik tunitsiviit tigooraajunnaassagaluarpata naalakkersuisut qanoq pilersaaruteqarpat aallarteqqipallanneqarnissaat qulakkeerniarlugu?

Akissut:

Naalakkersuisut paasitinneqarput, qaleralinniarneq ilaatigut Uummannap pigisaani ukioq manna qaqutigoortumik ingerlalluarsimasooq. Ukiumit kingullermit piffissap taamaalineranut aalisarneq annertuunik qaffasinneruvoq. Uanilu pineqarpoq 2011-mut naleqqiullugu marloriaatingajannorsimasooq. Tassunga atatillugu aalisartunut inassutigiinnarsinnaavara aalisarnertik naleqqussarniaqqullugu, taamaalilluni aalisarneq ukioq tamakkerlugu sapinngisamik nalimmattumik agguataarneqaaqqullugu.

Erseqqissaatigissavara, ingerlatseqatigiiffiit tassaammata, qerititsiveqarnermik aalajangiisuusut, aamma ingerlatseqatigiiffiit tassaammata, nioqqutissiornermik aaqqissuussisuusut, taamatullu qaleralinnik qerisunik assartuinermik ingerlatsisuusut. Naalakkersuisut tamanna akuliuffigisinnaanngilaat akuliunnaratillu.

Naggataatigut Kristian Jeremiassenip § 37—kkut apeqqutaanut nr. 2012-085-mut akissutigaa innersuussutigisinnaavara. Tassani ilaatigut nioqqutissiassanut qerisunut apeqqut sammineqarpoq. Tassunga atatillugu Royal Greenlandip oqaatigaa, ingerlatseqatigiiffiup piffissami siviisunerusumik suliffissuaatini ammatissinnaasarsimagai nioqqutissiassanik qerisunik quersuarniitsinerit pissutigalugit, taamaalillunilu sulisunik angerlartitsinissaq pinngitsoortillugu.

Inussiarnersumik inuulluaqqusillunga

Ane Hansen

13. apr 2012
Sagsnr. 2012-064451
Dok. Nr. 874668

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nаноq.gl
www.nаноq.gl